



PEK

Р19Ср II 1060.1

(369)

Рядъ Сербъ Слово 1

РЪЧИ НАДГРОБНІА

ГЛАВРІИЛА ХРАНИСЛАВА,

ПОВЗІИ, РИТОРИКИ,

И

ВСЕОВЩІА ІСТОРИИ

ГУМНАЗИИ КАРЛОВАЧКОЙ

ПРОФЕССОРА.



ВЪ БУДИМЪ,

ПИСМЕНЫ КРАЛЕВ: ОУНИВЕРСИТЕТА ОУНГАРСКАГО,

1808.

ЛИТКАРИНИА
"ДОСИТЕЛЪ ОБРАДОВИЧЪ"
БЕОГРАДЪ

ДІЯНОТІАМ НІЗІ

ДІЯНОТІАМ НІЗІ

ДІЯНОТІАМ НІЗІ

ДІЯНОТІАМ НІЗІ

Помни, якъ вси смертноє тѣло ѿмѣемъ;
но славою, хвалами, ѿ вѣчностію ѿме-
не оучастницъ безсмертіа бываемъ.

Ісократъ.

319653

~~БІБЛІОТЕКА МАТЕМАТИЧЕСКАЯ
УЧЕБНИКОВЪ
1871~~

БІБЛІОТЕКА МАТЕМАТИЧЕСКАЯ
УЧЕБНИКОВЪ
1871

ПРЕДЛОВІЕ.

НЕ ТЩЕСЛАВІЕ, НИЖЕ БЕЛИЧАНІЕ,
НО ДОЛЖНОСТЬ ПОЧИТАНІА КЪ ДО-
БРОДѢТЕЛНЫМЪ ЛИЦАМЪ РОДА; И
ОУСЕРДІЕ КЪ ЮНОСТИ, ОУЧАЩЕЙСЯ
СЛАВЕНСКОМЪ АЗЫКУ, ПОНУДИША
МА КО ИЗДАНІЮ СИХЪ МНОЮ СОЧИ-
НЕННЫХЪ РѢЧЕЙ, ГАЖЕ ОУЧЕНИЦЫ
МОНЪ ВЪ СОБРАНІИ ВСѢХЪ ОУЧИЛИЦЪ
ПРИ ПОГРЕБЕНІИ РАЗНЫХЪ ЛИЦЪ ВО
ХРАМѢ СВАЩЕННОМЪ РѢША, АЗЪ

ЖЕ

же поздѣе паки внимателнѣ
 пресмотрѣхъ. - Яще оны память
 оумершихъ достойнѣ оублажающе,
 словесность нашѣ полезнѣ оумно-
 жатъ; то все, егѣже печата-
 ніемъ сихъ рѣчей желаю, при-
 вращѣ. —

Въ Карловцѣ днѣ 1-го

Іаннѣаріа, 1808.

Г. Х.



при погребеніи **Евдѣмія Мази́мо-**
вича, Гражданина Карлованкаго,
вз лѣтѣ 1805. оусопшаго.

Ѣгда міра красоты, и вса сердца нашемъ
сладчайшаа ѡставляемъ, Ѣгда падшее вре-
менное тѣло наше въ землю ѡбращается;
тогда трудомъ и заслугамъ жизни на-

шеа

шая цѣна ѿ оумныхъ человекъ точнѣе ѿ-
 даема бываѣтъ. Кійждо бо, ꙗкоже древо
 плодами, ѿ дѣлъ точію своихъ, ꙗже по
 смерти ѿстрѣе и ꙗвно испытаются, позна-
 ваемъ естъ, хвалимъ или хулимъ. Что
 оубо ѿ Тебѣ, Гражданине, рещи пристойтъ?
 Ты должнѣсти гражданскіа исполналъ еси:
 Ты оучилище наше не токмо въ животѣ,
 но и земна оуже премѣнивъ, имѣніа
 твоего оучастникомъ радостно сотворилъ
 еси. Се дѣло честное, родъ полезное, хва-
 лы и подражаніа, и оучениковъ благода-
 реніа достойное!

Ибо въ неизвѣстности мига, жизнь
 смертныхъ пресѣцающаго, дѣла совѣстію
 и человекѣлюбіемъ совершаема, всегда до-
 ерѣ оустроати, да бы съ назиданіемъ
 ꙗвнаго блага дни своя прожити, естъ че-
 ловѣка, себе благостынею оукрашающаго.
 Тою, Гражданине полезный, оумъ твой
 разжжеса, иже съпрѣзѣ, инымъ же тво-

~~.....~~ 7

ИМЪ ОУДОБНАМ ПОСОБИМ ЖИЗНИ ОУСТАНОВИВЪ,
ВСЕ ПРОЧЕЕ СТАЖАНІЕ, БЕЗДѢТЕНЪ СЫИ, ГИМ-
НАЗІИ ВЪ ДАРЪ ПРИНЕСЛЪ ЕСИ, ВО ЕЖЕ БЫ ВЪ
ПРОСВѢЩЕНІИ ОУМА И СЕРЦЕМЪ СЛАВА СПЕ-
СОБСТВОВАНІА ОУЖЕ ПРИСВОИЛАСА. ТАКОВАА КЪ
РОДЪ ЛЮБОВЬ ВЪ ДУШѢ ТВОЮ ВСЕЛИСА. —

НО КАМУ СТРЕМИШИСА СЛОВО МОЕ? КЪДѢ
Ѡ ГРОБА СЕГѠ ѠСТУПАЕШИ? КТО Ѡ ПРІВЕРѢ-
ТЕНІИ ВѢЧНАГѠ ИМЕНЕ, ЕЖЕ ПАЧЕ ЗЛАТА
ЕСТЬ, ПОДВИЗАЕТСА, ТОЙ ВЪ РАЦѢ НЕ ПОМРА-
ЧИТСА; ТОГѠ ИМА ОУСТЫ ВСѢХЪ ПРИСНѠ
ВОЗНЕСЕТСА. ТѢМЖЕ ОУТОЛИ, СЛЕЗАЩА СЪ-
ПРѢГО, СЛЕЗЫ; ОУТОЛИТЕ И ВСИ СРОДНІИ,
ДРУЗИ ЖЕ ЕГѠ, И ПРІАТЕЛІЕ ПЕЧАЛЬ ВАШѢ.
РАНѠ, ИЛИ ПОЗДѠ КЪ ѠЦѢ ВСѢХЪ, ЕГѠ-
ЖЕ МАЛОВЕНІЕМЪ КРѢГЪ СЕЙ ПОТРАСАЕТСА,
ПРІИТИ ЕМУ НАДЛЕЖАШЕ. ПУТЬ, ИМЖЕ Ѡ-
ИДЕ, НАМЪ ОБЩІИ ЕСТЬ, ИЖЕ ВСАКАГО ЗА-
ДѢАНІА БЛАГАА КЪ ВѢЧНОМЪ ОУПОКОЕНІА БЛА-
ЖЕНСТВѢ ВОДИТЪ. Я ВЪ ЧЕМЪ ОНА СОСТОИТСА?
ВЪ ЧИСТОМЪ БЛАГОЧЕСТІИ: ВЪ ТРѢДОЛЮБІИ НЕ-

ПРЕ-

Н А С М Е Р Т Ь

Іванна Живковича, Медіцины

Доктора, и Аѣкара Карло-

вачкагѡ, въ лѣтѣ 1805.

оуѡопшагѡ.

Вто намъ образъ легкагѡ прехожденіа ро-
да челоѡѡча представитъ? Не сіа ли крат-
кая слова: Животъ нашъ со смертію течетъ?
Ѣ когда бы она, гакѡ послѡдняя вѡщей
черта, токмѡ въ драхлой и глѡбочайшей
старости приспѣла! но да рекѡ, разбойни-
чествѡетъ, всякій полъ, чинъ же и воз-
растъ, гакѡже коса безъ различіа всякъю
травѡ, коситъ и поглощатъ. Такѡ, мѡжъ
оучениѡійшій, Іваннъ Живковичъ, Медіци-
ны Докторъ, мѡста сѡгѡ Аѡкаръ, и Членъ

Славнаго Патрона Гимназіи Карловачкїа, слѣпою смертію паде, и исчезе.

Честными родителями въ Каменицѣ произведенъ, ѿ юности любуе достойными качествами ѿдаренъ бѣ. Благій, кроткій нравъ, вольное и оумилное со всѣми ѿхожденіе, дръжелюбіе же и мѣдрая ѿкровенность блахъ его возносяща свойства. Онъ былъ свѣдѣщъ въ словесности, наипаче же въ латїнскомъ слозѣ. — Шилѣйшее вѣжества доказываніе, и превосходное въ наукахъ врачевныхъ познаніе въ немъ возсія въ Бѣдимѣ, въ Кралевскомъ Оунїверситетѣ Оунгарскомъ, гдѣ между первыми ѿ единоплеменниковъ своихъ, числа мѣжей въ лѣкарствѣ искѣсныхъ (*) оудостоиса. По томъ мѣжъ сей напруга силъ своихъ, стремилса къ достиженію совершенствъ своихъ, и въ дѣлопроизводствѣ своемъ скорѣйше

(*) 1784. лѣта.

ШЕ ДИВНОУ ОУСПѢЛЪ. ГДЕСЮДУ ВЪ КРАЙНЕМЪ
ВОСТОРЗѢ СВОЕМЪ, РОДОЛЮБИВЫЙ ПІИТА АЛЕ-
КЗІИ ВЕЗИЛИЧЪ ПѢВАШЕ:

„ ИПОКРАТА ПРЕВОСХОДИШЪ ЖИВКОВИЧЪ ІВАН-
НЕ!

„ ГАЛЕНА ТЫ НЕ СТЫДИШЬСЯ ВЪ ЛѢКАРСТВѢ
ИСКУСНЕ!

ОНЪ ДВАДЕСЯТЬ И ЕДИНО ЛѢТО СТРА-
ЖАЮЩЕМЪ ЧЕЛОВѢЧЕСТВѢ СПОМОЩЕСТВОВА; ГО-
ТОВОСТЬ ЖЕ ЕМУ ВЪ САМОЮ СТРАСТЬ ПРЕТВО-
РИСА, ДУШЕЮ ТОЛЬ СИЛНУ ОБЛАДАЮЩЮ, ТАКУ
БОЛѢЗНЮЩИМЪ ДНЕМЪ И НОЩІЮ СПОСПѢШЕ-
СТВОВАТИ НИ ВОЧТО ВМѢНАШЕ; И ЕЖЕ РѢДКО
ЕСТЬ, САМАЯ ЖЕСТОКІА БЪРИ ПРЕТЕРПѢВЪ,
ОУСЕРДНУ ВСАКОМУ, МЗДОЛЮБІА ДАЛЕЧЕ О-
СТОА, ПОСЛУЖАШЕ. ВѢДАЛЪ ОУБО, И ИСПОЛ-
НИЛЪ О ЦІЦЕРОНА ВЪ ЧЕЛОВѢЦКЪХЪ СЛОВЕСНѢИ-
ШАГШ ПРИВЕДЕННОЕ СЛОВО ПЛАТОНА, ТАКУ НЕ
НАСЪ САМЫХЪ, НО ОБШ ОУБШ ОТЕЧЕСТВА,
ОБШ ЖЕ ПРІАТЕЛЕЙ РАДИ РОДИХОМСЯ: ЧЕЛО-

ВѢКЪ

вѣкъ сществоветъ, еже взаимнѣ другъ сво-
емъ помощь приносить. — —

Трудами егѡ еще иныю мы пользу ѡвер-
тохомъ. Ѣ начала славнѣйша сего Гум-
назиѡ Карловачкѡ, Членъ Главнагѡ Па-
троната ѡ мѡранъ первый, во всевысочай-
шей Граммотѣ написанъ, даже до края жи-
зни должности своея точнѡ хождаше. Къ
общей приехали склоненъ сый, средствомъ
полученїа тоа въ тихости со всякою го-
рачностью былъ, еже сирѣчь богатствомъ
дѣлати не возможе, то дарованїями дѡха:
остротою изащнагѡ своегѡ оума, честно-
стію нрава, и разумными винами; еже
оучилищнагѡ добра касашеса, охотнѡ
сотвори. Все еще знаемъ, коль онъ обра-
зованїемъ нравствъ оучащихса, и просвѣ-
щенїемъ юности Сербїкѡ, къ нейже не-
сказанна егѡ нѣжнаа любовь познава-
шеса, по все дни радовалса. Темъ рев-
нованїемъ возбужденъ, тайнымъ стопамъ
оу-

оученика полезнѣ внимаше; Наставника, яко оумородителя почиташе; благотворяща цвѣтущей Гимназїи нашей, чувствительнѣ поминаше.

Многѣ воистиннѣ причинѣ естъ, чистѣю ѿ насѣ взыскующихъ слезѣ, гробѣ онагѣ ѿрошающѣю, на коегѣ дѣла, аще воззримъ, не ранѣ; аще же лѣта егѣ, и нѣждѣ града посмотримъ, ранѣ оуспе. Среди бо лѣта четыредесать шестагѣ преселиса. Жизнь егѣ чести и хвалы полнаа, безсмертїю долѣветъ; но намъ ли и домашацемъ долга видѣтиса можетъ? Ѣ какѣ смѣщенъ азъ, на та воззрю, вѣрнаа егѣ сѣпрѣго, души половино! азъ тѣжѣ самъ, и какѣ посмотрю васѣ невоспитаннаа чада! Преста вашъ родитель, и временнагѣ шастїа творецъ, емѣже вы всегда ѿ избытка сердца на азѣцѣ были, были до самагѣ часа, ахъ оубы, часа горкїа и хладнаа смерти! Непостижиме!

ЧЕЛОВѢКЪ, КОЛЬ ПРЕВОСХОДНОЕ ЕСТЬ ТВОЕ СОЗДА-
 НІЕ! КАКОВЪ БЕДРЕННЫЙ ДУХЪ ВЪ САМОМЪ КРАИ
 ЖИЗНИ, КАКЪ БЕЗЪ ВОЗВОЛНОВАНІА ТОГѠ
 ЕЩЕ МЪДРЪ СОВЕСѢДОВА! СѠ РѢДКОСТИ МЪ-
 ЖА, ЕГѠЖЕ КОЛЕБЛЕМОСТИ ВЪ СМЕРТНОМЪ
 ПОДВИЗѢ НЕ ВИДѢХОМЪ. КРѢПОСТЬ ДУШИ
 ИЗМЕМОГАЮЩАА, ѠДОЛЪ СОСТАВЪ ТѢЛЕСНЪ,
 ОУДИВЛЕНІА ВИНОВНИЦА ВЫСОЧАЙШАГО. —

ТОГѠ ОУСТЫ, НЫНѢ ОУЖЕ СЛОВЕСА КО
 КРАЮ ТЕКУЩЕ, ПРЕВОСХОДИТЕЛНѢЙШЕМЪ Го-
 СПОДИНЪ АРХІПАСТЫРЮ НАШЕМЪ, И ГУМНА-
 ЗІИ МЪДРѢЙШЕМЪ ПАТРОНЪ И ПРАВИТЕЛЮ
 НАЧАЛНОМЪ, ГЛУБОЧАЙШЕЕ БЛАГОДАРЕНІЕ, ЗА
 ПРИСѢТСТВІЕ, МИЛОСТИВѢЙШІЙ ЗНАКЪ СВОЕГО
 КЪ НЕМЪ БЛАГОВОЛЕНІА СМиренно вѣщайте;
 вѣщайте и другомъ оусопшаго, и всемъ
 въ домъ сей вышнаго стекшымся при-
 знательность егѠ. ВСИ ВЫ послѣдній че-
 ловѣческіа любви долгу исполняюще, со-
 болѣзнованіемъ вашимъ намъ много
 силанке Ѡсвидѣтельствуете, іакѠ вы люби-
 ТЕЛИ

ТЕЛИ ОУСОПШАГШ КЪСТЕ, ГИКО ВЫ ТОГШ
 И НЫНѢ ЕСТЕ, ЕГОЖЕ БЛАГОДѢТЕЛЬНОЙ МАТЕ-
 РИ ЗЕМЛИ ѠДАЮЩЕ, НАВЧИТЕСА Ѡ СЕБѢ ПРО-
 МЫШЛАТИ, И ДѢЛАТИ ВЪ ЖИЗНИ, ГИКО
 ДА ВЪ ТЧЕНІИ ЧАСОВЪ СМЕРТНЫХЪ НЕ РАС-
 КЛЕВАЮЩЕСА, БЕЗЪ МАЛѢЙШАГШ ВОЗДУХА НІА
 ЖИЗНЬ СІЮ ѠСТАВИТИ МОЖЕТЕ. — ЧЕСТНАА
 СМЕРТЬ ЕСТЬ, ГИЖЕ Ѡ БЛАГІА И РОДЪ ПО-
 ЛЕЗНЫА СЛЪЖБЫ БЫНѢ ПРОИСТЕКАЕТЪ.

Р Ж Ч Ъ

Ѡ ПОГРЕБЕНІИ ІѠАННЫ ДѢВЫ, Г.
 ЯНДРЕА МАТ.ДИЧА, СЕНАТОРА КАР-
 ЛОВАЧКАГѠ ДЩЕРИ, ВЪ ЛѢТѢ
 1806. ОУМЕРШІА.

Доколѣ мы на долготѣ лѣтъ нашихъ
 надѣющеса будемъ? Ѡще ли намъ снитса,
 гакѠ смерти время внезапѣ не прїидетъ
 намъ, ѡзъ сонма оумирающихъ людей?
 Ѡ оужаснагѠ земнородныхъ жребїа! Ѡдва
 Ѡ пристанища ко глубинѣ мора плавати
 начинаемъ, оуже вихромъ разметаются
 волны, свирѣпѣющая буря насъ оугнѣта-
 етъ, ѡ безъ всякїа помощи низводитъ;
 Ѡдва краснѣю досаждемъ беснѣ, оуже про-
 тивѣ природы Ѡцвѣтаемъ. Яхъ, очевидное
 ѡ гленое намъ сегѠ представлаетъ зерца-

ао, юная дѣва Іванна, къ жали нашей
 печальное челоуѣкъвъ паденіе показующа!
 Аще на родителей твоихъ красное ѿ Тебѣ
 ѿжиданіе смотрю, цвѣтала еси! аще
 твою къ трудолюбію склонность на па-
 мять приводи, цвѣтала еси! Кого простое и
 невинное сердце не трогало? Ты нещѣ-
 пеннымъ твоихъ родителей попеченіемъ въ
 днѣхъ нашихъ толь нѣжданна способности,
 тебѣ еще ѿ молодыхъ ногтей пріобрѣла
 еси. Ты пріуготовлена была, и пріспѣ-
 ла оуже къ ношенію имени, искрення,
 трудолюбива, словомъ достойна съпрѣ-
 ги, домостроительницы, и аще бы Неба
 бола была, матери, на радость и веселіе
 твоеа крове, и челоуѣчества.

Но сіа вса смертію падоша. Кое съ-
 дѣвъ немилосердіе? Вще не исцѣлиса на
 отчемъ и матернемъ сердцѣ лютаа рана,
 за Юліаню, сестрою твоею плачущемъ,
 тебѣ прежде малаго времени на вѣчнаа пред-

В

шед-

шедшею, а ты новый паки плачевный вопль
и стenanіе родителей твоимъ приносиши:
Сестрѣ оубо твою сопровождаши, Іван-
но, обаче родителей вмѣстѣ ея ищущихъ
радость, въ двогубое сѣтованіе превра-
щаши. Но помнимъ, іакъ она ѿ челоуѣкъ
прозаке: долгъ жизни есть единожды
оумрети. — Ѣ коль оусердану возсылаетъ
вамъ чадо благодарность за благое воспи-
таніе, имже междѣ прочими разнствова-
шеса!

Пріимите сію ѿ негѣ, любезни роди-
тели, и слезами лице ѡрошати преста-
ните: оутѣшайтеса ѡкрестъ стоащія дрѣ-
гини, чѣствомъ ея благодарнымъ ѿ не-
жной дрѣжеѣ вашей. Владкорѣчіе всѣхъ
басъ, любокѣе съ нею ѡбрашеніе ей незабы-
ваемо кыло. Тѣло ея зрите, есть мѣр-
тво, еже согніетъ; но той, иже созда-
насъ по ѡбразѣ и подобію своему, и въ
жи-



жиботѣ дивнѣмъ ѿ насъ промышляете, той
 воистиннѣ и тогда тихаго податель естъ
 покоя, егда къ немѣ, якъ источникѣ на-
 шемѣ возлетаемъ.

(Faint mirrored bleed-through text from the reverse side of the page)



(Faint mirrored bleed-through text from the reverse side of the page)

☩ С М Е Р Т И

Герасіма Радовановича, по совер-
шеніи Гумназіалныхъ Наукъ
Богословіи оучившагоса, въ
лѣтѣ 1806. оусопшагш.

Оумре нашъ трудолюбивый собченикъ,
ѣгоже всакъ ѿ насъ познаваѣи, всею ду-
шею, ѣакъ елагонадежда, любаше. Настав-
никшмъ своимъ повиновашеса: ѣзъ
оустъ ѣгш не ѣсходилъ соблазнъ ѣ праз-
днословіе: порокшвъ, ѣакъ ѣгда оудалалса.
Полезныхъ наукъ теченіе по могуществѣ
силы разума своегш въ Карловачкой Гум-
назіи тщательнш совершивъ, къ Церкви
Спасителевѣ ѿ сердца пристѣпити желаше,
ѣ сосцами ѣа питашеса. — Но, оубы,
смерть, на насъ всегда нечаяннш ловител-
ствѣ-

ствѣющая, ѿторже єго, взя изъ среды
дрѣгъ, изъ очесъ родителя, и родины
своѣа!

Не прїдетъ онъ болше во оучилище;
не оуслышитъ въ радѣ своемъ науки дѣ-
ховныа, єйже всѣмъ помышленїемъ оуча-
шеса; не оузримъ мы єго ѿселѣ въ крѣзѣ
нашемъ. Не вы ли, сынове Сербскїи,
живѣща дрѣги ваша непрестанно воз-
любите? Взаимнаа междѣ вами любовь и
искренность, донелѣже наслаждаетеса зрѣ-
нїа дрѣгшвъ вашихъ, не водворитса? Сей
позорища мїра оуже оудаливса, къ при-
станищѣ прїиде: оуповай на Бога, оупо-
коеветса. — Почивай, Герасїме, въ тво-
емъ, єже прїалъ єси, селенїи: Тебе не оу-
тѣснѣетъ проклинанїе въ земли, возды-
ханїе не падѣетъ на юнѣю твою дѣшѣ;
но родителя твоегѣ, и дрѣгшвъ твоихъ
теплое воспоминанїе, твой даръ, твое оу-
бранїтво єсть.

Мы

Мы же при твоёмъ гробѣ повторимъ
искѣство, притажимъ полезное оубѣща-
ніе, какъ по сей жизни трудъ и подвигъ,
чистосердечіе, дружелюбіе, цѣломудріе и
чистое къ Создателю оумныхъ очесъ воз-
веденіе, вѣнецъ безсмертіа намъ соплетаютъ.
Нѣсть цвѣтъ на гробѣ нашемъ воню
разсыпай, паче благіа, непорочна дѣ-
ши; дѣши глаголю, къ совершенствѣ тру-
долюбнѣ текѣщаго челоуѣка. О да бы
дніе наши ѿ похотей міра безмѣрныхъ
свободни, и кончина жизни безъ всякіа
скверны была! Блажени сѣть, ихже невин-
наа дѣша сіаетъ, а тѣлесъ оукоризною
не покрываются. Благоже тымъ, какъ въ
ближнихъ своихъ сердцахъ вѣчный памят-
никъ воздвигоша.

Р Ъ Ч Ы

Ѡ преставленіи Графицы Маріи
Ѡ Бранковичъ, въ лѣтѣ
1806. оумершіа.

Аще кто въ себѣ помышляетъ, ꙗкѡ неба
Творецъ дни наша по образѣ челоуѣческо-
маѣ числитъ; то онъ со всѣмъ прелщаетъ,
и произволеніа создавагѡ насъ не зна-
етъ. Призираетъ Богъ на благочестивѡю
людей своихъ душѣ, созерцаетъ строгость
правоты сердца ихъ, и зрѣлыа добродѣ-
телей плоды, аще и Ѡ юныхъ лѣтѣ, оу-
серданѡ пріемлетъ. Когда мы оудаче пѣть
нашѣ въ краткомъ семъ житіи испытыва-
емъ; тогда оубѣраемса, ꙗкѡ пѣтемъ глад-
кимъ и стропотнымъ, высокимъ и низ-
кимъ течемъ; частіе съ нами игрдетса;

ВРЕМЯ НАСЪ ПРЕЦАЕТЪ, И СИЦЕ БЕЗЪ МИРА,
 БЕЗЪ ОУТѢХИ МНОГОЧАСТНѢ ПѢТЕШЕСТВѢЕМЪ.
 ЯЩЕ И РАДОСТИ ЧАСЪ НѢКОГДА ПРИХОДИТЪ;
 НО МЫ ТОГДА ЧАСТѠ ЖАЛОСТІЮ ѠТАГОЩЕНИ
 БЫВАЕМЪ; ЕГДА ЖЕ ПЕЧАЛЬ НА НАСЪ НА-
 СТУПАЕТЪ, ТОГДА РАДОСТІЮ ЗАНИМАЕМСЯ.
 КОЛЬ БЕЛИКАА БѢДА ИСТѢ НЕ ЗНАТИ ЧАСА
 ПЕЧАЛИ, ЧАСА РАДОСТИ НАШЕА!

ТАКОВАА ЧЕЛОВѢЧЕЙ ПЛОТИ ПРЕДСТОИТЪ
 СЪДА, ДОНДЕЖЕ ПО БОЖІЮ ВЕЛѢНІЮ ЖИТЕЙ-
 СКАА ѠВЕРГШЕ, НА КРИЛѢХЪ БЛАГОЧЕСТИВАГѠ
 ЖИТІА КЪ СЕЛЕНІАМЪ БЛАЖЕННЫМЪ НЕ ВОСПА-
 РИМЪ. КОГДА ЖЕ МЫ ПРЕМѢНАЕМСЯ И ѠХО-
 ДИМЪ, Ѡ НАСЪ БЛИЖНІИ И ДРѢЗИ НАШИ ДО
 ВЕЛІА БОЛѢЗНИ ПЛАЧУТЪ. НО ВСКѢЮ ѠНИ
 БОЛѢЗНЮТЪ, ЕГДА СМЕРТНІИ ОУПОКОЕНІЕ
 ѠВЕРѢТАЮТЪ? ВСКѢЮ СЕРДЦЕ ИХЪ ОУАЗВЛАЕТСЯ,
 ЕГДА БЛАГЮ ДУШѠ НЕШЕДРЕВДЕМОЕ МѢСТО
 ВѢЧНО ѠБИМАЕТЪ? ТОГѠ, ВЫСОКОРОДНОЕ
 ЛИЦЕ, НАСЛАДИШИСЯ ВО ВѢКИ: Ѡ ЧЕСА БО
 ТВОА НА БСАКАГО ЧЕЛОВѢЧЕСКИ ЗРАЩАА, ВЪ

мыслехъ и сердцахъ знающихъ Тебѣ, неиз-
гладима сѣть, и возмездіа достойна.
Ты во велебпїи Бана, частію Друга
твоего всѣмъ сердцемъ споспѣшествовав-
ши, мудрѣ пожила еси; но душевное
твое достоинство, всѣмъ челоуѣкомъ об-
щее, оно еще превзышло естъ. Та небе-
сный оуень благостыни ѡдѣшевлалъ. —

Лѣтами оуеу не состарѣла еси, но
состарѣла еси добродѣтелію, въ кратко-
сти жизни тамъ пришедши, камъ мно-
зи на долзѣ прїити не могоша. вмѣ-
стѣ переходящихъ сластей земныхъ,
вѣчное оупокоеніе; вмѣстѣ жизни крат-
кіа, безсмертноу память получила еси.
И сїе по достоинію. Иго разсѣждаемъ ли бла-
гость нѣжныхъ нравовъ твоихъ: смотримъ
ли на стремленіе твое къ тѣдѣмъ домо-
водства: любовь твою къ Другу, юже и по
истеченіи жизни (*) засвидѣтельствовала
еси,

(*) Иго имѣніа наследника ѡстави.

Ѣси, непреложнѣю; или представляемъ
намъ, коль мысленно очи твои до кон-
ца на престолъ Господень зрѣхъ, сімла
Ѣси. Оїа ѣзъ мрачныхъ древности челю-
стей Тебе исторгнѣтъ; ѡ сихъ кїждо
радѣаса, Ѣмени твоємъ похвалѣ воз-
дастъ.

Да ѡстѣпитъ оубо печаль мѣрѣ пре-
восходяща, ѣ заравію бредъ наносаща.
Ѣще кто рѣкѣ слезъ проліетъ, она не
возвратитса. Ѣоставила ѡ днесь Тебѣ,
Высокородный, незабываемая Ѣспрѣга,
ѡбатїе твое, въ нѣдро же блаженства, ѣ
земнѣю оутробѣ преселаетса: Богъ бо ѣ
природа своихъ требѣютъ. Земле Сватыа
Свители Крѣшедолскїа! прїими Кѡсти Ѣа:
Ты же, смертный, наѣчиса, ѣакъ смерти
жадо не щадитъ ни ѣдинагѡ возраста,
ни ѣдинагѡ чина; ѣакъ добродѣтели ѣ
Богови оубоуднѡ жити намъ догѡитъ,
во ѣже неѡбладагмымъ безсмертіа вѣнцемъ
оубазатиса.

О ПОГРЕБЕНІИ

Иліи Гавріиловича, любителя На-
 укз, Гражданина Карловачкаго,
 въ лѣтѣ 1807. преставл-
 шагоса.


Ощущаютъ миліа тебѣ Наукз Богини
 твое ѿ міра сігѡ преставленіе, Гражда-
 нине добродѣтельный, ѡщущаютъ знаю,
 и челоѡколубиваа твоихз Согражданѡвз
 сердца. Но неизмѣнимаа естъ челоѡ-
 квѡвз сѡбина. Часть жизни нашеа на
 всакз день ѡпадаетъ, и самыхз растѡ-
 щихз дѣтій часи, лѣта ихз оумалаютъ,
 еше же сію, въ коей оуста ѡверзаю, време-
 не точкѡ смерть съ нами раздѣляетъ.


Почто не живѡтъ должае людіе, до-
 бродѣтель возлюбившіи? почто лишаемся
 тѣхз

тѣхъ, и хже трудополный животъ, кротчайшее со всѣми ѡбращеніе, склонность къ ѡбщей корысти, нѣкъю бытіа долготъ заслужаетъ? Хочеша ли, Дръже, Любителя рода, Надкъ почитателя желаеша ли въ сердцѣ твоёмъ, хвалиши ли непрестанно въ должности званіа своего работающа, или движешиса пріятностію и любкостію скромнаго нрава, то все въ немъ, гакъ зеркалѣ оузриши. —

Тѣмже намъ смерть твоя безвременна видѣса, зане къ дѣламъ добрымъ пути твоя направилъ еси. Далече пагубныхъ сладострастій, внутреннее челоуѣка достоиніе содержать тщалса еси, и изъ ѡбхожденія Тобою всегда почитанныхъ оученныхъ мужей, любопытна оучаса, гакъ внутренній челоуѣкъ, внѣшняго превосходитъ, и разумъ изощренный плотскихъ вожделѣній старшій естъ. Превозносимъ твое намъ данное завѣщаніе, еже добродѣтел-

НОЕ ЖИТІЕ НА СКРИЖАЛИ СЕРДЦА НАШЕГО
НАПИСА; СЪ ЧВСТВІЕМЪ СЕРДЕЧНЫМЪ БЫСТРА
СЛЕЗА НАША ТЕБѢ ПОСЛѢДУЕТЪ. А КЪДѢ
ТЫ Ѡ НАСЪ ѠХОДИШИ? ВЪ СТРАНѢ ОУПО-
КОЕНІА. ТАМО ПРИБѢЖИЩЕ ЄСТЬ, СОВЕРШЕН-
НАА НАДЪ ВСѢМИ ПРИКЛЮЧЕНМИ ПОБѢДА.
ЗДѢ ЄСТЬ БРАНЬ И БОРЕНІЕ СТРАСТНЫА ПЛО-
ТИ; ТАМО ПОКОЙ И ТИШИНА: ТАМО ПРЕ-
ДЕЛЪ ЄСТЬ БЕЗЪ ПЕЧАЛИ, И КРОМѢ ИЗМѢ-
НЕНІА БЛАЖАЙШІЙ.







БИБЛИОТЕКА МАТИЦЕ СРПСКЕ

Рис. Срп. 1060.1